

*Бүрэт-
Монгол*

ҮНЭН

ВКП(б)-гәй ОБКОМ ба
УЛАН-УДЫН ГК-гәй
болон БМАССР-әй
ВЕРХОВНО СОВЕДЭЙ
ОРГАН

Верховно Главнокомандалагшын

П Р И К А З

Армиин генерал МАЛИНОВСКИДО

3-дахь УКРАИНСКА фронтын сэрэгүүд добтолгоо дам саанань үргэлжэлүүлжэ, ябган ба морито сэрэгүүдэй-механизованиэ соединенинүүдэй зоригто шаггадобтолго хэһэнэй эсэстә ОДЕССА тээшэ орохо замууд дээрэ немецүүдэй түхээрһэн хамгаалгын газарай айхабтар шухала түшэг тулгуурин пункт болохо РАЗДЕЛЬНАЯ гэжэ город болон түмэрзамай томо узелые эзэлэн абаад байхдаа, дайсанай сэрэгүүдэй одесскэ бөөгнэрэлгын Румыни худар сухариха арлха гол харгыннуудынь таһалба гэһшэ.

РАЗДЕЛЬНАЯ гэжэ городые эзэлэн абахын түлөө болоһон дайн байлдаануудта генерал-лейтенант ШАРОХИНОЙ, генерал-майор КУЗНЕЦОВОЙ сэрэгүүд, генерал-лейтенант ПЛИНОВЭЙ морито сэрэгүүд, танкова сэрэгүүдэй генерал-майор ЖДАНОВАН танкистнууд болон артиллерийн генерал-майор ХИТРОВСКИИ артиллеристнууд шалгаржа гарба.

Иигэжэ туйлаһан ялалтые тэмдэглэхын тулада РАЗДЕЛЬНАЯГҮЙ түлөө болоһон байлдаануудта үзэмжэ ехээр шалгарһан соединенинүүд болон частьнуудта „РАЗДЕЛЬНИК" гэхэн нэрэнүүдые олгожо, орденуудаар шагнагдахаар табиха.

Мүнөөдэр, апрелин 5-да, 20 часта манай Эхэ ороной столица МОСКВА болбол РАЗДЕЛЬНАЯ гэжэ городые эзэлэн абаһан 3-дахь Украинска фронтын иһэн габьата сэрэгүүдтэ зуун хорин дүрбэн ехэ буугар арбан хоёр дахин артиллерийн буудалга хэжэ. Эхэ оронойгоо үмэнэһөө салют-мөндө хүргэхэ байна.

Онсо һайн дайшалхы ябуулганууды хэһэнэй түлөө РАЗДЕЛЬНАЯ гэжэ городые сүлөөлхын түлөө дайн байлдаануудта хабаадалсаһан Тавай хүтэлжэ байгаа бүхь сэрэгүүдтэ БАЙ (ХАЛАН ХҮРГЭНЭБ).

Манай Эхэ ороной эрхэ сүлөө болон бөө даанхай байхын түлөө аш бөө үгэһэн геройнууд хэтэ мунхэдөө алдаршаг!

Немецкэ булштарашад үхэжэ тонолог!

Верховно Главнокомандалагша
Советскэ Союзай Маршал И. СТАЛИН.

1944 оной апрелин 5.

Социалистическэ уялгануудаа дүүргэбэд

Улан-Удын заготконтрын хүдэлмэрилэгшэд Майн урда тээшэ социалистическэ мүрхөөн-оролсоходоо, жэлэйнгээ түбье болзорһоонь урид дүүргэбди гэжэ уялгануудые абаһан айгаа.

Һаяхал, энэ коллективэйхид айаһан уялгануудаа хэрээрээр дүүргэлтэ болгожо байынь шалгажа үзэхэд, эдэнэр социалистическэ уялгануудаа маараа бэшэ, харин бодото жай хүдэлмэри дээрээ дүүргэжэ шадаһан байнад гэжэ тэмдэглэгдэбэ.

Жэшээлхэд, эбэртэ малай аша арха бэлдэхэхэ түсэбөө 90 процент, жэжэ арһаар—41 процент, гахайн арһа—240 процент, ноһо худалдан абаха түсэбөө—104 процент, ан гүмөөһэнэй арһануудые бэлдэхэхэ түсэбөө 110 процент дүүргэһэн байнад.

Мүнөө эдэ коллективэйхид үзэһынгөө түрүүшын амжалтауудаар һанаагаа амарангүй, таашадаа улам эршэмтэйгээр хүдэлмэрилэхэбди гэжэ шэһнэ

уялгануудые абаһад. Эбэртэ малай томо арһа бэлдэхэхэ түсэбөө 300 процент, жэжэ арһа 150 процент, гахайн арһа 200 процент уялгата ёһоор тушаагдаха ноһоной түсэбье 150 процент, юннин 20 хүртэр дүүргэлтэ болгохо гэжэ уялгануудые абаа.

Тус коллективэйхид Иркутска областин «Заготживсырь» конторын хүдэлмэрилэгшэдтэй социалистическэ мүрхөөнэй доготор баталха зуураа, «Бүрэт-Монголой ангуушан» гэжэ дайшалхы танк өһөһынгөө өнөөсөлгөө байгуулха гэбэд. Теэд мүнөө 2.200 түхэриг мунгэн паличнаар суглуулалгад байна. Танк байгуулха хэрэгтэ зорюулагдаһан мунгэ оруулалга энэ конторын хүдэлмэрилэгшэдтэй дунда үргэлжэлһөөр.

Мүн тэршэлэн, ичмэ патриотическа үүсэхэлые Сэлэнгын аймагтэй «Заготживсырьгой» хүдэлмэрилэгшэд һайшаан абабад.

Б. МОРДЕЕВ, Улан-Удын Райзаготконто-рий директор.

Советскэ Информбюроһоо

Апрелин 4-эй оперативна мэдээнһээ

Апрелин 4-эй туршада ДУБНО городһоо баруугаар манай сэрэгүүд добтолго байлдаануудаа үргэлжэлүүлжэ зуураа 30 гаран һуурин газары, тэрэ тоодо ЦЕХУВ, БОРОЧИЩЕ, ГАЛИЧАНЫ, ЛОБАЧОВКА, ПУЛГАНЫ, БУЖАНЫ гэдэг томо һуурин газарнууды ба СЕНКЕВИЧЕВКА, ГАЛИЧАНЫ, ЗВИНЯЧЕ, ГОРОХОВ гэдэг түмэрзамай станцинуудые эзэлэн абаба.

Тарнополь городые хүрээлэн хаһан манай сэрэгүүд дайсанай бэлдэлгэһэн-гарнизоние үгы хэхэ тушаа амжалтата байлдаанууды хэжэ, городой өхэнхи хубие эзэлэ. 3 үдэрэй үйлсын байлдаанда 3.000 гаран немецкэ солдат болон офицер хюдагдаба. 300 гаран немец плендэ абтаһан байна.

1-дэхи УКРАИНСКА фронтын сэрэгүүд СКЛЫН оршондо дайсанай хүрээлэгдэһэн бүлэглэгые усадхаха байлдаа хэһэн ба хэдэн һуурин газарнуудые эзэлһэн байна. Дайсан болбол хүрээлэгдэһэн мултараг гараха гэжэ хэдэн дахин һэдэлгэ хээд, тэрэ бүридөө гэдэргээ сохиложо, амиды хүсэн ба техникынгээ талаар ехэ гээлтэнуудтэ ороо.

КАМЕНЕЦ-ПОДОЛЬСК городһоо урдуур манай сэрэгүүд 3 үдэртэ үсэд шанга байлдаанууды хэһэнэйнгээ һүүлдэ Черновица областин районно центр, ДНЕСТР дээрэ немецүүдэй хамгаалгын газарай түшэг тулгуурин шухала пункт болохо ХОТИН городые эзэлэн абажа, тус городые хамгаалжа байһан дайсанай гарнизоние үгы хэбэ.

КИШИНЕВСКО зүгтэ манай сэрэгүүд Молдавска ССР-эй районно центр болохь КИПЕРЧЕНЫ гэдэгые эзэлэн абаад, мүн тэршэлэн 30 гаран бусад һуурин газары, тэдэнэй дунда ЧИШМА, ХОДОРОЖА, ШАРКАНЬ, ЛАПАТНА, ЖУРЫ, МИХАЛЕВКА, ДОЙБАНЫ, РЕЙМАРОВКА, ОСИПОВКА, ВАСИЛЬЕВКА гэдэг томо һуурин газарнуудые байлдаатайгаар эзэлһэн байна.

ОДЕССКЭ зүгтэ манай сэрэгүүд добтолгооо хүгжүүлэн үргэлжэлүүлжэ, Одесскэ областин ФРУНЗОВКА, ЦЕБРИКОВО гэдэг районно центрнуудые эзэлэн абаад, мүн тэршэлэн 50 гаран бусад һуурин газары, тэрэ тоодо ЗАТИШЬЕ, КРАСНО-ПОЛЬ, ШЕПТЕРИДЮРЫ 2-а, ГЛУБОКОЯР, ДИОРДИШТЫ, ТОРОСОВО, НОВО-РОМАНОВКА, ДАНИЛОВКА, ПОНЯТОВКА, БАКАЛОВО гэдэг томо һуурин газарнууды ба ЗАТИШЬЕ, ТОРОСОВО, ИВАНОВКА, ВЕСЕЛЫЙ КУТ гэдэг түмэрзамай станцинуудые байлдаатайгаар эзэлэн абаа.

Фронтын бусад участогууд дээрэ бага зэргын удхашанартай байлдаанууд болобо.

Апрелин 3-эй туршада манай сэрэгүүд бүхь фронтнууд дээрэ 31 немецкэ танк гэмтээһэн ба үгы хэһэн байгаа. Агаарта болоһон байлдаануудта ба зенитнэ артиллерийн буудалгаар дайсанай 79 самолет унагаагдаа.

Апрелин 5-эй оперативна мэдээнһээ

Апрелин 5-эй туршада манай сэрэгүүд СКАЛЫН оршондо хүрээлэгдэһэн дайсанай бүлэглэгые үгы хэхэ байлдаагаа үргэлжэлүүлжэ, хэдэн һуурин газары эзэлбэ.

КИШИНЕВСКО зүгтэ манай сэрэгүүд добтолго байлдаануудаа үргэлжэлүүлжэ зуураа Молдавска ССР-эй ЮСЛЕНЬ гэдэг районно центрые эзэлэн абаад, 30 гаран бусад һуурин газары, тэдэнэй дунда БУДЕЙ, БОЛОГАНИ, БУЛАЕШТИ, ЦЫБУЛЕВКА, ЯГОРЛЫК, ПАРКАНОВКА, КУРПИНОВО, СОШЕ-ОСТРОВСКО гэдэг томо һуурин газарнуудые эзэлэ.

3-дахь УКРАИНСКА фронтын сэрэгүүд, добтолгооо үргэлжэлүүлжэ, ябган сэрэгүүдтэй ба морито-механизованно соединенинүүдтэй эрмэлзэлгэтэ сохилто хэһэнэй эсэстэ ОДЕССЭДЭ орохо замууд дээрэхи немецүүдтэй хамгаалгын газарай түшэг тулгуурин шухала пункт, түмэрзамай томо узел болохо РАЗДЕЛЬНАЯ гэжэ городые эзэлэн абажа, дайсанай одесскэ бүлэглэгын Румыни уруу сухариха гол замууды таһалаад, мүн тэршэлэн 100 гаран бусад һуурин газары, тэрэ тоодо Одесскэ областин ЯНОВКА, АНТОНО-КОДИНЦОВО гэдэг районно центрнууды, ПЕРВОМАЙСКИЙ, ПАРНАЦЫ, СТРАССБУРГ, БАДЕН, РОСТОВ-ЦЕВО, БАРАНОВО, БУЗИНОВО, ИРАКЛИЕВКА, ЛЮБОПОЛЬ, ВИЗИРКА, СЫЧАВКА, СТАРЫЕ БСЛЯРЫ гэдэг томо һуурин газарнууды ба МИГАЕВО, КУЧУРГАН, КУБАНКА гэдэг түмэрзамай станцинуудые байлдаатайгаар эзэлһэн байна.

Фронтын бусад участогууд дээрэ хэдэн газарта бага зэргын удхашанартай байлдаанууд болобо.

Апрелин 4-эй туршада манай сэрэгүүд бүхь фронтнууд дээрэ 48 немецкэ танк гэмтээһэн ба үгы хэһэн байгаа. Агаарта болоһон байлдаануудта ба зенитнэ артиллерийн буудалгаар дайсанай 42 самолет унагаагдаа.

1-дэхи Украинска фронтын сэрэгүүд Скала городой оршондо хүрээлэгдэһэн немецүүдтэй бүлэглэгые үгы хэхэ байлдаагаа үргэлжэлүүлжэ. Дайсан болбол ямаршье гээлтэдэ орожо байна, «тогсон» соёһоо мултараг гара хэ хэ армэлзэнэ. Үглөөгүүр немецкэ ябган сэрэгүүд ба танкнуудай томо хүсэн баруун-хойто зүг тээшээ контраката хэһэн байгаа. Урдаһаа сохюулжа гитлеровецүүд ехэ гээлтэдэ ороод, гэдэргээ сухарихан байна. Удан-

гүй хүсэнүүдээ шэнээр бүлэглүүлээд баһа дахин контраката хэ». Дайсанай хоёр батальон ябган сэрэгүүд советскэ частьнуудай байһан газар худар хүшууран ороод, тэндээ таһалагдажи бүри мүнэн үгы хэгдэбэ. Ондоо нэгэ участок дээрэ дайсанай ябган сэрэгүүд ба танкнууд баруун зүг тээшэ сүмэ сохын гараха һэдэлгэ хээ. Ногтуу гитлеровецүүд советскэ частьнуудай артиллерийско-минометно ба пулеметно буудалгада ороһон байгаа. Байлдаанай болоһон газар дээрэ дайсанай хэдэн зуун үхээр, гэмтээгдэһэн 30 гаран немецкэ танк үлэһэн байха. Советскэ сэрэгүүд дайсанай контрактые сухаруулан сохило бэлдэһэн сахаригаа уйтариулжа ябадалаа үргэлжэлүүлжэ зуураа хэдэн һуурин газарһаа немецүүдые намнан гаргаба.

* * *

Үсэгдээр Черновица областин районно центр болохо Хотин городые эзэлэн абаһан манай сэрэгүүд дайсание амиды хүсэн ба техникын талаар ехэ гээлтэдэ оруулба. Городой үйлсэнуудээр 4.650 немецүүдтэй үхээр хэбтээ. Советскэ частьнууд дайсанай 1.250 солдат болон офицерые плендэ абажа, 40 танк, 200 ехэ буу, бусад олон трофей буулан абаһан байна.

* * *

Кишиневско зүгтэ манай сэрэгүүд добтолго байлдаанууды хэхэ ябадалаа үргэлжэлүүлбэ. Искэ соединенин частьнууд урда үдэрын алдаһан позицинуудаа тэхэрюулан абаха гэжэ һэдэһэн немецүүдтэй хэдэн контрактые сухаруулан сохео. Советска боецүү дайсанай хүсые барагдуулан зүдэрөөгөөд, тэдэнэртэ хажуу талаһаань сохилто хэһэн байгаа. Гитлеровецүүд хүрээлэгдэхын аюултай болоходоо эмхи гуричаа алдажа, сухариха захалба. Манай частьнууд амжалтаа хүгжүүлжэ Молдавска ССР-эй Суслены гэдэг районно центрые эзэлэн абаад, мүн тэршэлэн хэдэн бусад һуурин газары эзэлбэ.

* * *

3-дахь Украинска фронтын сэрэгүүд амжалтата добтолгоо үргэлжэлүүлжэ. Советскэ ябган сэрэгүүд ба морито сэрэгүүдтэй-механизованиэ соединенинүүд РАЗДЕЛЬНАЯ городо орохо замуудта хүрөө. Немецүүд Одессэд орохо замууд дээрэхи өһөһынгөө хамгаалгын газарай коммункацийн энэ шухала узел ба түшэг тулгуурин пунктые үсэд шаггаар хамгаалһан байгаа. Манай боецүүд эрмэлзэлгэтэ сохилтоннуудаараа дайсанай сэрэгүүсэлгые нуга даража Раздельная гэдэг түмэрзамай томо узел ба городые эзэлэн абаба. Иигэжэ манай сэрэгүүд Одессэд Тирасполь хоерой хоорондох түмэр замые таһалһан байна. Энэ дээрэһөө дайсанай одесскэ бүлэглэгын Румыни уруу сухариха гол замууды таһалагдаа.

Композитор П. М. Берлинский

БМАССР-эй арадай артист, композитор Павел Михайлович Берлинский гэгшэ Эсэгэ ороноо хамгаалгын дайнай эхил-лэнхээ хойшо нилээд ехэ ажал хэжэ бүтээжэ байна.

Энэ композитор хадаа поэт Ц. Галсановай зохиолон шүдэгы дахуулан Александр Невский тухай кантата, Г. Цыденжаповай зохиолон шүдэгы дахуулан симфоническа поэмэ гэжэ хоёр, томохон зохиол болон Бусад, хэдэн олон оборонно-лирическэ ба лирико-героическа дуунууды зохиолон байгаа. Гол шухала юумэнь юу гэжэ гэхэдэ: ирагуу найхан аялгатай, хурса гое үгэтэй байха юм.



Александр Невский тухай кантаты «Мүлхэтэ сохилсооной» болоһонгоо хойшо 700 жэл гүйсэлхэнэй дашрамда 1942 ондо бэшлэнэ юм. Тэрэ хадаа дүрбэн бүлэгтэй байна. Түүрүүшн бүлэг болбол 1242 ондо Чудска нуур дээрэ немецкэ хүрэг тонуулшадые хяа намна сохижо дараһан орд сэрэгүүдэй эрлэхэ зориг ба баатаршалгы магтана. Түүрүүшн бүлэгтэй хүгжэм «Шоно баатар» гэжэ бурят-монгол дуунай аялгаар зохиогдонхой.

Симфоническа поэмэнь 5 бүлэгтэй аад, агуухэ Октябрьска социалистическэ революцин 25

жэлэй ойдо зоруулагдана. Тэрэ поэмэ соо «Дайсан доб-толбо», «Басаганай дуун» ба «Арад зоной найндэр» гэнэн бүлэгүүд бии. Энэ бүгэдэ хадаа бурят-монгол арадай олоной дунда тараһан дуунууд ба аялганууды дараһан байха юм. «Волга Дон хоерой хөөрлэдэ» гэжэ айхабтар гое героико-эпическэ аялгатай зохиол тухай анхаралаа табихар байна. Тэрэ хадаа бүгэдэн мэдэх болоһон Волга тухай орд арадай дуунай аялга дахуулжа бэшгдэ.

Мүн «Намайе хүлээгээрэй» гэжэ сэдхэл хүдэлгэмэ ирагуу найхан мелодий бии юм. Энэ дууе зохиолон поэт Константин Симонов болбол таатай найн хүгжэм бэшлэнэнь түлөө композиторта баясхалан хүргэнэ телеграмма эльгэлэн байгаа.

Залуу поэт-фронтвик Бауковтай композиторой творческо холбоо барисаатй болоод байһыень тэмдэглэхэ хэрэгтэй. Нэгэ жэлэй саада тээ «Поезд харайжа ябана» гэжэ Бауковай бэшлэнэ шүлэг «Комсомольско Правдада» гараһан байгаа. Тинхэдэнэ композитор Берлинский тэрэ шүлэгы уншажа хонирхоод, хүгжэм тааруулжа бэшэ юм. Энэ дууе поэт Бауков абажа үзэхэдэ: таатай зохид байна гээд дахад шэнэ шүлэгүүдтэй тетрадь болон төрөлхөн бэшэг эльгэлэн байна.

Композитор Берлинскийн зохиолдонь Глинка, Чайковский, Мусоргский ба Римский-Корсаков мэтын агуухэ композиторнуудай үлөөн халһан байха юм.

П. М. Берлинский бурят-монгол тематикада тааруулжа ехэ ехэ ураннайхан зохиолнууды бэшлэнэ байна. Тэрэ үзлэнгээ хажуугаар композитор болбол бурят-монгол ба монгол арадай дуунууды шэнэлэн заһаха тушаа ехэхэн хүдэлмэри хэбэ. Тин бурят-монгол хүгжэмтэ искусствые хүгжөөхэ хэрэгтэ композитор П. М. Берлинский өнөөнхээ хойшо бүри ехэ оролдолго гаргажа хүдэлмэрилхэ бээ гэжэ лаб найдагдана.

А. КРЫЛОВ.

Парторганизацин секретарьнуудай семинар болобо

ВКП(б)-гэй Мухаршээрэй айком болбол партийна эхин организацинуудай секретарьнуудай семинар найхан үнгэргэнэ байгаа. Энэ семинарта бүхы колхозуудай болон эмхи зургаануудай дэргэдэхи партийна эхин организацинуудай секретарьнууд олоороо хабаадалсабад.

Партийн айкомой эмхидхэлэй-инструкторска таһагы даагша нүхэр Бальбуров партийно-эмхидхэлэй хүдэлмэриэ найжаруулха хэмжээ-ябуулганууд тухай болон Московско областин партийна эхин организацинуудай секретарьнуудай зүблөөн дээрэ нүхэр М. И. Калининэй хэлэнэн түүхэтэ үгэтэй семинарта хабаадалсагы танилсуулба.

Тэрээнхээ гадна, ВКП(б)-гэй айкомой секретарьнууд хабарай тарилгы богинохон болзор соо, агротехническэ дээдэ хэмжээндэ үнгэргэхэ тушаа болон партида шэнээр орогшодой документнууды зүбөөр зохиохо тухай асуулгануудаар элдхэл ба лекцинууды уншасал.

Тэрээнхээ гадна, ВКП(б)-гэй айкомой секретарьнууд хабарай тарилгы богинохон болзор соо, агротехническэ дээдэ хэмжээндэ үнгэргэхэ тушаа болон партида шэнээр орогшодой документнууды зүбөөр зохиохо тухай асуулгануудаар элдхэл ба лекцинууды уншасал.

Д. ЛОПИЛОВ, ВКП(б)-гэй айкомой пропагандист.



Түсэбһөө үлүү 400 центнер загаһа тушааба

Усть-Баргажанай загаһанай заводой загаһашад нэгэдэхи кварталда орондоо 400 центнер загаһа түсэбһөө үлүү үгөө.

Түсэбһөө үлүү продукци гаргахын түлөө тэмсэлдэ шэгэдэхи кварталайнгаа түсэбһе 400 процент дүүргэнэ Захар Алексеевэй бригада 1-дэхи һуури эзэлбэ. Энэ бригадада тус заводой дирекциин ба партийна организациин дамжуулгын Улаан Туг үгтэнэн байна.

Нүхэд Шевелев, Богатых, Малыгий гэгшэдэй бригаданууд кварталайнгаа түсэбһе 200 процент дүүргэе.

Мүнөө загаһашадайд дунда Майн урда тээхи социалистическэ мурьсөөн үргэнөөр дэлгэрэнхэй. Загаһашад болбол Улаан Армниингаа Главна Командованиин фонддо түсэбһөө үлүү загаһа барижа Майн нэгэниэ уртахабди гэжэ үгсэе үгтэнэн байна.

Загаһашад хэлэнэн үгэдөө хүрэнэ. Чапаевай нэрэмжэтэ колхозой нүхэр Шелковниковай бригада һүүлэй табан үдэртэ 450 центнер загаһа, Ворошиловай нэрэмжэтэ колхозой нүхэр Малыгинай бригада 200 центнер загаһа бариба.

Фронтвигуудай үхибүүдтэ комсомолцуудай туһаламжа

Баргажанай аймагай комсомолцууд фронтвигуудай үхибүүдтэ туһаламжа үзүүлхэ хэрэгтэ топ элибхитэйгээр хабаадалсажа ехэхэн хүдэлмэри эрхилбэ.

Эндэхи комсомолцуудай хүсөөр тус фонддо 25.000 түхэриг, 630 килограмм һү, 5 центнер мяха, 13 центнер хартааб-

ха суглуулагдажа фронтвигуудай үхибүүдтэ үгтэнэн байха юм. Мүн тэдэндэ дулаан хубсаһа оёжо үгэхын тула 139 килограмм нооһо, хонинной 132 арна суглуулба. Тэрэшэлэн 72 наар үхибүүдэй гутал заһабарида оруулагдаад байна.

М. АРЬЯЕВА.

Зэдынхидэй патриотизм

Фронтвигуудай үхибүүдтэ туһаламжа үзүүлхэ гэнэн комсомолцуудай үүсхэлые Зэдын аймагай ажалшад дэмжэн абажа, колхозуудай дунда өнө патриотическа хэрэгы үргэн далайсаттайгаар ябуулжа энэ фонддо ехэхэн зөөри суглуулба.

Хүсэд бэшэ мэдээгээр, аймаг

сооһы 36.000 түхэриг, 480 килограмм мяхан, 730 килограмм һүн, 370 килограмм талхан, мүн 500 килограмм хартаабха суглуулагдаһан байна. Тэрэшэлэн хубсаһанай зүйл ехээр суглуулагдаба.

А. КОСТЕЕВ.

Хилын саана

Италидахи дайнай ябуулганууд

ЛОНДОН, апрелин 4. (ТАСС). Италида байгаа союзнигуудай сэрэгүүдэй главна штаб болбол союзнигуудай артиллери олохон газарнуудта дайсанай сэрэгүүдэй сугларһан бөөгнэрэлгэнүүдые, зөөри хэрэгсэлтэй складууд болон сэрэгүүдэ хангаха юумээ шэрэдэг харгыннуудыень буудаба

гэжэ мэдэсэнэ. Бүхы фронтнууд дээрэ патрульнууд тулалдаһан байгаа.

Унгэрэгшэ һүни хүндэ ба дунда ээргын бомбардировщи-гууд Будапештдэ дахад доб-толбо. Тэндэ ехэ ехэ гал түймэр гараһан ба тэнэрэлгэнүүд болоһон байгаа.

Бирмэдэ боложо байгаа байлдаан

ЛОНДОН, апрелин 4. (ТАСС). Азиин зүүн-урда зүгтэ байгаа союзнигуудай сэрэгүүдэй командованиин штаб болбол апрелин 2-ой үдэр союзнигуудай сэрэгүүд Араканска фронт дээрэ японгоние түрижэ үргэлжэлүүлбэ гэжэ мэдэсэнэ.

Баруун-африканска сэрэгүүд Каладан гэжэ газары японгониео сээрлэбэ. Эндэ японтон айхабтар ехэ гээлтэ хоролтодо ороһон байна.

Импалһаа зүүгээр союзнигуудай сэрэгүүд амжалтатай найн добтолгонууды хэжэ, японгоние ехэхэн гээлтэдэ орууһан

байгаа. Союзнигуудай самолетуудай соедпненинүүд апрелин 3-да Еу гэжэ түмэрзаймай станцине атаковалба. Нүгөөдэ бомбардировщигуудынь Каладан гэжэ губида ба Маиеын оршондо японтоной позицинууд болон уһан мурэн соогуур ябаһан пароходуудта добтолһон байна. Чинд-нин гэжэ мурэниэ зубшаһан губида, мүн Чин гэжэ хадатай газарта болон Хойто Бирмэдэ союзнигуудай авиаци японтоной байһан айхабтар шухала сэрэгтэй газарнууды бомбодоһон байгаа.

Комсомолцууд туһаламжа үзүүлнэ

ВЛКСМ-эй Заиграйн айком хүдэлмэрилэгшэд Сталинай шэрэмжэтэ колхозой трактор бригадын байрые шэфтээ абажа тэрээнээ элдэб гое плакат, зуралозунгунуудаар шэмэхын тула мүн фото булан байгуулахын тула бэлдхэлэй хүдэлмэриэ амжалтатайгаар ябуулжа байна.

Тэрэшэлэн тус бригадын хүдэлмэрээ эхилхэтэй хамта өөһөдүнгөө хүсөөр агитбригада эмхидхэхэ гэжэ шийдэбэд.

Кварталайнгаа түсэб болзорхоон урид дүүргэе

Байкало-Селенгинскэ пароходстын хүдэлмэришэд Майн урда тээхи социалистическэ мурьсөөндэ оролсоһонийнгоо ашаар энэ жэлэй түүрүүшн квартал түсэбһе 10 хоног урид 101 процент дүүргэе.

Хонирхолтой концерт болобо

Найхан, Наука, искусство, литературы хүдэлмэрилэгшэд байшанда пианист нүхэр Уткинай тоосоото концерт үнгэргэдэбэ.

Энэ үдэшэ пианист нүхэр Уткин гоё найханаар «Скерцо» «Боллада» гэжэ Шопенэй, композиторнууд нүхэд Бетховной, Чайковскиин музыкалууды наатажа үгэбэ.

П. ХАЙДУКОВ

ЗАРЛАЛ

Мүнөөдөр, апрелин 7-үдэһын 8 части Горпаркбайндай (Соведүүдэй 2-дохи Байшад лекционно зал соо:

«Советскэ авиаци Эсэгэ ороноо хамгаалгын дайнда» гэжэ темэтэй лекци болохонь.

Лекторынь нүхэр Авдонин. Городой пропагандистнууд агитаторнууд болон интеллигенци тэндэ ерэхые уригдана. ВКП(б)-гэй ГОРНОМ.

Харюусалгата редактор Ц. Г. ГАЛСАНОВ.

Бурят-Монголой гүрэнэй филармони

ТЕАТР СОО

апрелин 11-12-13-15-дэ

Гүрэнэй Московско ДЖАЗ-АККОРДЕОНОЙ ГАСТРОЛЬ

Ураннайханай хүтэлбэрилэ шэнь Е. Розенфельд.

Энэ концерт үдэһын 9 чагта эхилхэ.

Мүнөөдөр кинотеатрнуудтэ «ПРОГРЕСС»

Нэгэ корабль тухай туужа (Повесть об одном корабле)

«ЭРДЭМ»

Фронтвой хани нүхэд (Фронтвые подруги)